

Téeríi ana fa bíníyú unni kayya won Pool bëy Tesalonik ra Kúnsëe

Pool daa bíní bëy ílí janjii Tesalonik unni yeh. Filib unna, dī dēbpi géré m Yíkēe di gémē gémú bëy Tesalonik ra (1.3), dī dāgidte wa, wa ham légéyē nahu wa ra. Fu ot Pool bíní wē unni yeh, nísí níbbē na yah janjii Tesalonik ra. Woni ban fi nimili Kiristaa daa baatti kúdf wona filib Tesalonik, ndah lahte bëewí wonuu biti nagajek bisi baa lahte níi gétté. Lahte yi wonu tih bisi baa lahay doom ndaa lebohte. Yaa aa na waa na kaa'uute légéy, ñamuu ya' yi bëewí kayya.

Di wonte wa :

- yii lenke ayi Yíkēe yiin bis-kēem (1.3-10),
- yii lenke yee nay kēllée Yéesú rē (2.1-12),
- yii lenke hīnndēh, ñee waali Koope (2.13-17),
- a yii lenke dee laha' légéy solo ow na ra (3.6-15).

Bëyi fī janjii téeríi bee bëeb ay ot biti légéy daa wun ow na, bëe' banti sehaa ñni bëeb ya' ow, dī sehaalee nimili Yíkēe.

Wodohi Pool bëy Tesalonik

¹ Don fi bëy ílí janjii Tesalonik fa nonu bëewí Baap-Koo a Yéesú-Kiristaa Yíkēe rē, so' mi Pool, funi Silaas a Timoote fun na woduu ron. ² Baap-Koo a Yéesú-Kiristaa Yíkēe líhún ron mal, on don jaamma !

Ayi Yíkëe yiin bis-këem

³ Koy-yaayyi yeh, fun mínih banti dékë' símí Koope ndah don. Fun warutee ri sím ndah ngémën baatohte caak, te fahanta'a hom handal kon da baatoh baatoo na saañ. ⁴ Yii baa daa tah ílí janii pay fun béeb, fun sawoor won bëewë filib yii lenke don na, ndah filib mokla na moklu don da a sáfúñ fën béeb, don habute ngémën híin.

⁵ Baa daa nay teebee biti aattiya'i Koope tíkë' waal, nda don habuu bëewí Nguur ki Koope wadte wa, nguur ka tah don na sáfúñú rë. ⁶ Koope, dí fa júb dë ay mokil bëewë moklu don da ti di mokluu wa don nen, te nagajek baa daa kaah. ⁷ Di ay hílsíd don fa na sáfúñú rë, hílsíd fun na bal. Yiin nay feeñiyee Yéésú-Yíkëe sun-Koo, ñéerë' a doolii malaaka yi ra, iñyaa ay lahee na. ⁸ Di ay ayee filib njaar kíi, keen sun fi bëewë kaa'uu yúhí Koope, te kaa'uute ñeyi Uni Nebi Yéésú-Yíkëe rë. ⁹ Daana nay keene sun fi wa ra ay dékëe sanjii wa, wa wulliru tígí eta' Yíkëe, wulliru tígí eta' ndami gaani. ¹⁰ Yii baa ay lahe yiin nay nimile Yíkëe rë. Yiin fi baaha, bëewë nonu díi na te gémuté díi na ra béeb béyíd dí, dí neba' wa yeel. Don fi yaa don ay none bëewí yaaha na, ndah don gémuté unna komu fun don da.

¹¹ Yii baa daa tah fun na dagiru ron faraaah. Fun daguu Koope biti dí on don, don yeeliyoh pesa dëek dí don da. Fun dagu biti di doolii, dí habra' ron don pañ yee fahuu don pañ di yin wun da béeb, te ri habra' ron yee na pagu don filib ngémën dë. ¹² Daaha, don baatti béyíd tii

Yéésú Yíkíi yen, dī béyíḍ don fi yaa baal. Yaa ay kolee mala nay onee Koope fi yen a Yéésú-Kiristaa Yíkée rē.

2

Yee nay kállée Yéésú rē

¹ Koy-yaayyi yeh, di yii lenke nimili Yéésú-Kiristaa Yíkíi yen a négírē'í yen fíyí, fun dāgu don na yin yínē : ² affon banay gaawti kúnēh te ngēnē tiití bití ow won don bití wahtii nimili Yíkée lahte. Wuti ow won don bití dī léhín unni kola' Koope na, mbée don keloh ri bēewē na waariyu Unni Koope ra, mbée bíníyún bíníyē wonu bití kola' fun na, ngēnē gémí. ³ Di mín dīi man béeḅ, ow banay don nofa' yínē sah. Balaa bisa nay nimile Yíkée baa ra, ow caak ay tíkē' Koope af paay, bēe' na ñeyeh woni Koope ra, bee nay sanjuye ra teekiroh. ⁴ Bēyí baa ay béyíḍ afi kadda' bēewē haanoh ala a yii na haanuu wa merees béeḅ. Ay pay níi dī haal Faam fi gaani Koope took, dī won bití daa ri Koope. ⁵ Don nérsúuy bití mi húmú wonte ron baaha homa' mi leelon ra a ? ⁶ Don yúhú yee ham bēyí baa tígē homa' ri bee ra, te yii baa tahte wahtii ay lahe laho dī anti dūh. ⁷ Doolaa dapoh bēewē nē ñeyíh woni Koope ra ee teekiroh ra haat ; dī ay lukee teekiroh bití nék bēe' lís dīi ham dā kállú tígí daaha. ⁸ Bēyí baa kállú tígē rēe, dī fi bēe' na ñeyeh woni Koope ra ay teekiroh, te Yéésú-Yíkée ay rii sanjku a ngilaaw mi búkí, hap ri húl a niiña nay rii ñéerée bití dī nimil ra. ⁹ Di fi bēyí baaha, doolii Seytaane nay rii yeje dī ac, dī pañ kawtéef gaan, kimtaan a iñi éemilē'té béeḅ, yi ay

nofee bëewë. ¹⁰ Di ay paŋ pagad bos béeb nofa'i bëewë në suu sanjuye ra. Wa ay sanjku ndah wa tahuy kúnsí keeñni wa kaaf ka wad waa sëmlë' koon da. ¹¹ Yii baa daa tah Koope yeñ wa yii ay waa múuyíd, wa gémé fel. ¹² Daaha, bëewë gémúy kaaf ka ra béeb, te oluu neb pagad bos da, Koope ay keen sun fi wa.

Híinndëh, ñee waali Koope

¹³ Koy-yaayyi yeh, fun nék fun mínih banti déké' símí Koope ndah don, don fa Yíkëe faha' don da ndah Koope daa tanis don dalaana, nda don muc. Di ñeya' Ruuha ladil don ra, a gémë gémú don kaaf ka ra, di múcëlté ron. ¹⁴ Koope ñeya' Uni Neba waariyu fun don da dëkké don yii baaha nda don mit na ndami Yéésú-Kiristaa Yíkíi yen. ¹⁵ Koy-yaayyi yeh, kon híinndíi te don ham iña yëeddú fun don da : yee wonu fun mbée yee bíníyú fun da béeb.

¹⁶ Koo Boffi yen faha'te yen, onte yen mal níi yen lahute míní múñí na dúméh a yaakaari neɓpe. Démíin di fi Yéésú-Kiristaa Yíkíi yen a Koo Boffi yen ¹⁷ on don doole, on don keeñi paguun don yin wun faraaah : yaha yii ay pagu pago mbée yii ay wonu wono béeb.

3

Naha'i Pool dagid

¹ Leegi nék koy-yaayyi yeh, dëgírí fun nda unni Yíkëe yíppí líiwëlsë' gina te wa lah ndam ti di man wa don na nen. ² Dëgírí fun Koope nda ri sëmlë' fun bëewë bosu níi bos ra na, ndah bëewë béeb neh daa gémú iña na wonu fun ra.

³ Te añcaṅ Yíkëe daa mit gém. Di ay ron on doole, nííḍ ḍën ní Seytaane ii ron leboh. ⁴ Yíkëe onte fun níí fun lekuute ron : fun olute biti ḍon ee pagu iña wonu fun ḍon ḍa, te ḍon ay lúsdée ḍaaha. ⁵ Yíkëe ona ron keeñi fahuun ḍon Koope, on ḍon ḍon múñ ti ḍi fi Kiristaa nen.

Dee laha' légy solo ow na ra

⁶ Koy-yaayyi yeh, lahte bēewí ḍapasute filib fi yen, na ñeyíh iña yēeddú fun wa ra. Fun na nahu ron di tii Yéesú-Kiristaa Yíkëe, ḍon wuloh wa. ⁷ Don yúhruté affon ḍee waḍti ñeyuun kotti fun ḍa. Homuu fun ginon ḍa fun mēsúy tíḍēh. ⁸ Fun yeekuy ow ñam. Fun húmú légyúu yii ñamun fun légyēe na' a elek, kaa' fun mokil ow yínē sah ḍon na. ⁹ Fun paguuy ri biti ḍon waruy fun pagid yin pagiro, ndaa fun fahuu biti ḍon ñee kotti yaaha, ¹⁰ ndah húmú homuu fun gin ḍon ḍa, fun wonute ron biti bēyí kaa' légy waray ñam. ¹¹ Fun nék, fun keluute biti lahte bēewí awu ḍon na pesuu tíḍēh, nē pēgíh yin gét nēe haal yii waal fi wa íníh nē. ¹² Di tii Yéesú-Kiristaa Yíkëe, fun túuyú bēewí yaa fun na caguu wa bitih, wa koloh affi wa yuloh légy nda wa kúḍ affi wa.

¹³ Don fi koy-yaayyi so' nék, lah hēbí híin ḍon dékē' paṅ yin wun. ¹⁴ Hena biti lahte bēyí kaa' ñee unna bíníyú fun yee ra raa, lah wēní rí sun, ḍon ban ḍii leboh nda ri sopoh ndín, koloh afi. ¹⁵ Di filib yaa bēeb nék, ngēnē hēbí rí kaa'ohon, lah hēbí rí koy-yaafon, ḍon líkín ḍí.

Daja téy unna ra

¹⁶ Démíin Yíkëe fë në ona' jaamma ra on ðon jaamma faraah, a yii mín ðon homa'. Yíkëe ñéerëe a ðon béeb.

¹⁷ So' mi Pool daa mi bíní unna míllë' yee ra*. Mi yahti téy unni so' raa, mi hena' ðeh : so' mi Pool daa mi na bíní a ya' so'. Hen ðaa raa, bëewë ay yúhsë' bíníyí së'. ¹⁸ Yéésú-Kiristaa Yíkíi yen líhë rën béeb mal !

* **3:17** 3.17 Bín fë, ow daa na húmú bíníyíð Pool. Unna yahti téyú rëe, Pool a faanaŋ fi daa na bíní a ya'i nda bëewë yúhsë' unna bíní rí rë béeb.

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-20

PDF generated using Haiola and XeLaTeX on 21 Feb 2024 from source files dated 29 Jan 2022

a3a1238b-9393-5875-a4c5-1d3f38537bfe